

fieri potuisse, non dubito, si fieri potuit, non esse mirabile, nisi quia raritas admirationis mater est, neque enim ignorantia sola causarum videri portentum cogit, eadem namque in quotidianis actibus interuenit, testante admiratione, exemplo utar quo & Cicero utitur, & omnis plena est historia. Portentum putant Mulam peperisse, itaque in animalibus relatum est, cur quæso? An quia vulgo ratio eius partus ignota est? nihil equini partus notior, verum iste frequentior. Raritas igitur, frequentiaque varietatem pariunt. Quod si ita est: Dicam quod à doctis viris dictum video, quoniam quod raro accidit portentum, dicitur, sapiens sicubi reperiatur grande portentum est, & mulæ partu (nisi fallor) rarius, quanquam quod de hoc partu dicunt propè ridiculum videtur. In conceptione enim, esto si quid est miraculi, partus enim ipse non modò non portentuosus, sed innaturalis, & quodammodo violentus est, iam miraculorum eadem ratio. Nihil namque miraculosum, nisi quia rarum, illa autem dico miracula, quæ nil portendere iudicantur, sed admiratione simplici suspendunt animos mortalium.

talium.